

公姓黃諱向堅字端木長洲人父孔昭知雲南大姚縣罷官後值兵阻不得歸流寓白鹽井公晝夜涕泣徒步行乞往尋始順治辛卯十二月訖癸巳六月自吳入滇懸崖絕壑豺虎猺獞之虞無所不歷足驚面蒲伏至白鹽井得遇二親與其從弟向嚴奉之以歸明年五月始抵里門孺慕承歡凡二十年而母歿父登九十無疾終公年六十五矣負土營葬不再替得關膈疾以身殉世稱完孝公善繪事生平所歷關山艱險悉作圖以記片緘尺幅人爭寶之乾隆四年巡撫許公容題

旌

贊曰萬里尋親不獲不已一老言歸幸哉有子

許公容題




許公容題




像

黃曰然因影注蘇脈... 羊山自蘇羊山... 公拔韓... 吳郡名賢圖傳卷十一



公姓韓諱洽字君望長洲人郡諸生深潛篤學于書無所不窺性簡
 亢絕俗隱居羊山自稱羊山畸人足迹不入城市湯文正公撫吳三
 造其廬不見竟以窮餓死朱彝尊稱其詩為明季以來吳中第一著
 有四書儀禮禮記因註羊山誌寄庵集尤深于字學所撰篆學測解
 釋訓考源論者謂足證說文長箋之誤

贊曰勝國遺民藐視朱紱高隱西山言采其蕨



國家圖書館, NATIONAL CENTRAL LIBRARY, TAIWAN, R.O.C.

金


文

學

像




贊曰韓林氏諱洽字君望長洲人郡諸生深潛篤學于書無所不窺性簡
 亢絕俗隱居羊山自稱羊山畸人足迹不入城市湯文正公撫吳三
 造其廬不見竟以窮餓死朱彝尊稱其詩為明季以來吳中第一著
 有四書儀禮禮記因註羊山誌寄庵集尤深于字學所撰篆學測解
 釋訓考源論者謂足證說文長箋之誤




公姓金諱俊明字孝章吳縣人居雙林巷天性孝友修行純潔其學自經史子傳至水利諸書靡不精究補諸生食餼有聲厲清操多著述精書法畫墨梅及詩歌古文辭無不臻妙甲申後棄諸生傭書自給簞瓢屢空晏如也年七十四臥疾語其子曰吾當往矣吟詩而瞑著有闢幽錄康濟譜春草閒房詩文集

贊曰畫林逋梅詠陶潛柳先生之心蠹之上九



費曰不其... 人其... 公技文... 吳君名賢區傳卷十一




公姓文諱柝字端文又號曲轅晚號慨菴長洲人居陸墓從簡子諸
 生有聲庠序困棘闈絕意進取奉親入山居趙徵君凡夫別業啜菽
 飲水陳說古今賦詩之餘商求字學兼及繪事色愉而莊笑不至矧
 人咸師事之親歿賻贈者眾既受弔一一封識謝日還之卒年七十
 二疾革語其子拔曰急瘞吾戒勿作誌勿私諡著有青瑣雜志
 贊曰不慕簪組不求名譽天爵常尊端文誰侶

王 扣 士 像



國家圖書館, NATIONAL CENTRAL LIBRARY, TAIWAN, R.O.C.



公姓王諱育字子春號莊溪又號石隱太倉人家貧好學于書無所
不覽嘗元旦筮易得復之初九次年元旦復筮得之公曰天教我學
顏氏之學也遂與陸世儀陳瑚盛敬諸人講學性彊教人敬愛之居
家屏絕異端喪葬悉從古禮

鼎革後角巾方袖與世泊如康熙間州舉鄉飲賓又



詔舉山林隱逸皆辭不應卒年八十八易筮前一日猶與友人講易
如平時于五經皆有著述又嘗以六書之學失其傳廼推古聖賢造
字之本根于六義證以五經積五年成三十餘萬言陸清獻公稱爲
字內未有之書亦字內不可少之書其推許如此兼通岐黃之術其
剖析亦多奇秘云

贊曰博通經傳師法聖賢不隱不仕優游天年

吳郡名賢圖傳贊卷十七

長洲顧 沅湘舟楫

王 育 尚 像



公姓王諱育字子春號莊溪又號石隱太倉人家貧好學于書無所
不覽嘗元旦筮易得復之初九次年元旦復筮得之公曰天教我學
顏氏之學也遂與陸世儀陳瑚盛敬諸人講學性彊教人敬愛之居
家屏絕異端喪葬悉從古禮

鼎革後角巾方袖與世泊如康熙間州舉鄉飲賓又



詔舉山林隱逸皆辭不應卒年八十八易筮前一日猶與友人講易
如平時于五經皆有著述又嘗以六書之學失其傳廼推古聖賢造
字之本根于六義證以五經積五年成三十餘萬言陸清獻公稱爲
字內未有之書亦字內不可少之書其推許如此兼通岐黃之術其
剖析亦多奇秘云

贊曰博通經傳師法聖賢不隱不仕優游天年

吳郡名賢圖傳贊卷十七

長洲顧 沅湘舟楫


王 育 尚 像



公姓王諱時敏字遜之號烟客晚號西廬老人文肅公錫爵孫編修
衡子未弱冠祖父相繼卽世以恩蔭授尚寶丞奉使齊豫楚閩兩江
及藩封者四十年啓四年陞正卿丁內艱服闋遷太常寺少卿仍管尚
寶事又五年謝病歸當爲丞時刊神宗諭筆及文肅公揭藁流布遠
近東朝定策心事乃白又請建立專祠用揚祖烈家居飭內行著家
訓勗諸子讀書砥行維持善類獎掖英髦以其身係鄉黨重者四十
年公性通達築樂郊園及西田別墅以延賓客詩文書畫師黃公望
八分師魏受禪碑參用夏承碑法寸縑丈幅海內珍之卒年八十有
九葬十九都耐祀文肅祠
贊曰尚寶見幾靈山歸隱梁翰烟霞倪黃傳品

國家圖書館 NATIONAL CENTRAL LIBRARY, TAIWAN, R.O.C.

王 欽 諷 像



公姓王諱節字貞明吳縣人為諸生尚氣節周順昌被逮吳民環聚呼冤公偕諸人請巡撫毛一鷺以民情上聞一鷺不聽公直斥其黨奄奸狀坐除名禁錮奄敗復還顧秉謙以奄黨竄歸吳人士逐之急巡撫曹文衡責諸生曰若等宜閉戶讀書何與瘴彰事公曰衮鉞者朝廷之權是非者庶人之議節等讀書至杞檜誤國恨不剗刃其腹焉能俯首與生杞檜同里閭耶卒逐秉謙去後舉崇禎十二年鄉試

入國朝府縣敦促計偕謂所親曰宋末諸儒教授郡邑或主書院山長吾其就職也署桃源縣教諭未幾請歸年六十二卒葬吳山贊曰是非之公何論朝野清議獨持勇於義者

蔡


檜

士

像



國家圖書館, NATIONAL CENTRAL LIBRARY, TAIWAN, R.O.C.



公姓蔡諱方炳字九霞號息關崑山人忠襄次子補長洲縣學生明末忠襄死太原賊難藁葬城外順治戊子公偕弟方焮往負柩歸人無不涕泣以送性嗜學博涉羣書于理學政治典故多所纂輯康熙十七年


詔舉博學鴻詞大臣交章薦以病辭不至韜晦窮居嘗繪有著書圖詩文題詠盡一時名流著增補廣輿記
贊曰父死于忠兄固於窮公學獨豐著述甚工


李

侍

頌

像





公姓李諱延齡後改名率泰字壽疇遼左人歷官都督同知至兵部侍郎順治二年


大兵下江南蘇郡士民爭持羊酒迎賀迨薙髮令下福山副總兵魯之璵諸生陸世鏞倡拒士民應之焚撫按等衙署官兵圍勦之璵眾潰公聞變領兵至總兵土國寶必欲屠城公知西北民居稠密與國寶分闔二闔俱寫東南國寶由盤門屠至飲馬橋忽見關聖立馬橋上駭伏而止公封刃自西北與國寶會不殺一人吳人立祠於虎邱山塘建德崇宇宙坊以頌之贊曰曹彬止戈史冊希有公能繼之德崇宇宙

楊

觀

督

像




公姓楊諱承祖字大宗陝西宜川人順治乙酉
 王師下江南公以都督同知鎮守蘇州耀德宣威市廛不悚民咸樂
 其業旋移駐崇明時營兵寄一民舍頗肆驕橫公力行約束諭有擅
 取民財一兩者剝肉一兩以抵於是軍中肅然嗣有張名振者犯境
 公統兵撲剿邑獲安枕云
 贊曰將軍鎮吳首肅行伍戢暴安良間閭安堵

錢 勛 使 像



國家圖書館, NATIONAL CENTRAL LIBRARY, TAIWAN, R.O.C.




公姓錢諱廣居字大可太倉人崇禎十五年舉順天鄉薦

國初授鹽山令邑潛匿賊黨公勒馬突入賊穴眾曰錢公神箭不可犯其黨遂散以卓異行取陞工部主事歷員外郎中出守嚴州甫下車卽黜淳安遂安二墨吏屬邑以錢糧解庫例有羨餘公盡却之興修郡學重刻府志辛卯冬陞陝西關南兵備副使爲忌者所扼罷歸公好讀莊子性理諸書居常手不釋卷所著有詩剩問函諸集兩舉鄉飲大賓卒年八十有三贊曰縱騎山穴懸鐙射堂去彼貪墨以肅紀綱

彭 貢 士 像



國家圖書館, NATIONAL CENTRAL LIBRARY, TAIWAN, R.O.C.



公姓彭諱德先字敬輿長洲人貢生侗儻負才氣見世方亂遂究兵
師算數防邊治河之畧習弓矢治農田水利嘗上書祁忠惠公陳兵
食事宜請蠲苛稅祁公偉之致以禮屬為釐正賦役書成祁公罷
大兵定蘇州圖籍散失順治二年下

詔蠲卹公應有司請據前書裁定賦額蘇人賴之晚而買地玉遮晨
夕湖濱嘯歌自得年七十餘終卽其居葬焉
贊曰胸抱智略談兵上書嘯傲湖濱混跡樵漁

卞


太

令

像




國家圖書館 NATIONAL CENTRAL LIBRARY TAIWAN R.O.C.



公姓彭諱行先字務敏一字貽令長洲人德先弟諸生會友人以場
 屋事被訐陰援公為左證遂牽連見褫公走京師上書自雪終未嘗
 歸獄其友明季拔貢考授知縣見國事不支遂絕意仕進隱居教授
 家貧不能購書數借人書繕錄日課數十紙雅善書法尤習前明典
 故對客談論娓娓居東城之竹堂晚號竹里老人與鄭敷教金俊明
 稱吳中三老從孫定求孫寧求相繼登上第入翰林公益鍵戶謝客
 巡撫湯公斌素推重公每月吉讀法命有司延致輒固辭及湯公還
 朝
 上問吳中人物遂舉公與其兄子瓏以對年九十二卒
 贊曰世重舊德天留遺老吳中尊宿君行可表


高士像



公姓張諱蟾字永輝吳縣人善丹青工人物性狷介喜摹古聖賢像
 初郡人錢穀王世貞俱繪有吳中先賢像流傳既久缺佚散落公搜
 羅殘剩重摹之復增補啓禎時人其用意尤在發潛闡幽於忠臣孝
 子遺老逸民博考窮蒐悉登於冊筆墨之妙若有神助能於尺幅上
 恍接古人警欬肅然生仰止心者皆公之功也其時如李灌谿陸晚
 庵鄭桐庵徐俟齋牆東金耿庵陸桴亭咸與定交稱為高士其所著
 先賢像冊外又有婁東十老圖卷傳世
 贊曰丹青妙手蒐訪名賢吳中往哲藉公而傳


國家圖書館 NATIONAL CENTRAL LIBRARY

頤 頤 頤 頤



公姓顧諱有孝字茂倫吳江人少負才任俠游華亭陳忠裕子龍之門陳死國難公亦謝諸生隱居為人闡爽長身玉立善譚論喜交遊家釣雪灘陋室蓬門四方賓至無虛日公傾身攬接明末吳中詩集多漸染鍾譚公與徐白潘陸俞南史周安顧樵輩主持風雅以唐音為宗所選唐詩英華盛行于世詩體為之一變繼有五朝詩鈔明文英華諸選雅好汲引人有寸長必咨嗟激賞寒素賴以顯揚故雖布衣窮居而名聞海內贊曰詞壇耆碩海內知名閉戶著書出而風行


顧 有 文 像



公姓顧諱士璉字殷重號樊村太倉人諸生博通今古練達時務邑
 之劉河淤三吳連困於水當事議浚以費繁阻三韓白公蒞婁興水
 利用起圩法先疏朱涇繼疏劉河用公議也後吳中潦撫藩復議疏
 劉河淤段延公問策公請援海忠介折漕例因疏請以四萬金浚淤
 段五千丈建閘天妃鎮以利蓄洩至今賴之甲申秋大旱漕缺公與
 何寧國陸世儀江士韶曹周鈐王發祥等叩闕請折州民醵千金為
 費既得請費悉散還之平生以澤物為念拯難濟急有國士風為文
 藻麗善條晰事情又與陳瑚陸世儀江士韶盛敬講求性命之學至
 老不倦年八十四卒

贊曰劉河疏通民受其利起圩浚淤厥功誰繼


顧 諱 士 璉



青 尹 僕 像



公姓顧諱予咸字小阮號松交長洲人居史家巷順治四年進士除
 知寧晉調山陰所至有政聲陞考功員外郎移疾歸十八年
 世祖章皇帝遺詔至蘇巡撫以下大臨府治有諸生十八人面許吳
 縣令不法事巡撫朱國治庇令欲置諸生重辟而長公剛直從而請
 曰令無罪當罪諸生公正色曰諸生許令事皆實當罪令國治忌之
 遂密告會勘大臣逮公坐以指使論絞奉
 旨復官尋入以奏銷案落職居鄉風采峻整為後進所憚卒後鄉人
 立祠虎阜
 贊曰政書上考身遭蜚語鄉人立祠正直是與



公姓尹諱明廷字逢聖號莫階吳縣人順治六年進士授廣西平樂府知府李定國之亂公被執說之降大罵曰狂賊死吾分也何多言定國怒去其衣束以漁網繫磔之至死罵不絕口時順治十年七月十九日也百姓瘞其骨於府治牌坊之側滇黔平嗣子宗文至平樂求公尸有老媪告其處瘞得之負以歸事


聞贈中議大夫太僕寺卿賜祭葬廕一子公死時年三十一葬吳縣九龍塢之祖塋地名尹家泊專祠在大井巷南贊曰嚴將軍頭顏常山舌惟公兼之乃著死節

善

身

正

像




公姓姜諱實節字學在號鶴澗萊陽籍父琛以建言謫戍宣州公守
 祀居吳中善山水無法雲林涉筆超雋工詩善書晚年建其先人二
 姜先生祠又築諫草樓于虎邱以父母未得合葬不敢以妻祔生平
 篤師友之誼好古畏榮不入城市布衣終老人稱鶴澗先生卒之日
 吳人謚曰守正墓在虎邱
 贊曰忠臣之子藝圃流馨身寄虎阜心依敬亭

馬

清

忠

像




公姓馬諱祐字篤周滿洲人順治九年進士歷欽天監監正康熙九年超擢江南巡撫下車首撤供張絕饋遺正已率屬不事苛細密奏請蠲元年至八年逋賦一百九十餘萬

詔從之民困大紓淮揚蘇松常鎮六郡頻被水災奏請咸得蠲賑浚劉河吳淞江以利蓄洩清田畝以豁賠累行官收官兌以甦役困脩寶帶橋築南北塘以便兵旅安戢駐軍善政亟行一時風俗清謐十五年淫雨滄沒田廬憂惶成疾臨終自草遺疏極陳水災民困言不及私諡清恪

贊曰民困能紓政績能持一篇遺疏言不及私

宋 廣 文 像



公姓宋諱實穎字既庭長洲人諸生順治八年舉順天鄉試倡慎交社聲譽藉甚後以江南奏銷案誣誤康熙戊午復還舉人已未以博學宏詞

召試罷歸久之授興化教諭課士尚經術斥浮夸歷十六年告歸諸生祀之學宮旁公淹貫經史詩文典雅為詞壇名宿侍講繆彤少從受經學公宅心仁厚喜獎拔後進以故人益重之年八十五卒所著有老易軒文集春秋拾遺贊曰文章之範道義之明秉鐸興化學有本原

趙


素

廉

像



國家圖書館 NATIONAL CENTRAL LIBRARY




公姓趙諱濛字山子吳江人明甌窳令順子順治八年舉人善屬文
尤工古今體詩出入隨州香山之間初在慎交社與同邑吳兆騫計
東並為崑山徐乾學所推重既而與顧有孝鈔選詩文名播海內屢
上公車不第就選江陰教諭卒所著有雅言堂詩客燕草
贊曰名滿公卿才優臺省秉鐸澄江一官獨冷

陽 正 像



國家圖書館 NATIONAL CENTRAL LIBRARY, TAIWAN



公姓湯諱斌字孔伯晚號荆峴又號潛菴河南睢州人順治九年進士授職詞垣旋擢潼關道以終養告歸孫奇逢講學蘇門賃驢往受業門下力窮性理屹然推中原巨儒復以荐起制科授翰林院侍講超擢內閣學士巡撫江蘇時吳中競習奢侈喜鬪毆多淫祠事五通神尤嚴公至悉禁毀之吳俗自是大變又奏豁積年民欠議減蘇松賦額擢禮部尚書時部民送者十萬餘人公建民不能忘坊頌德政工部尚書康熙二十六年卒于位年六十一入名宦祠乾隆初賜諡文正道光二年奉

旨從祀


聖廟

贊曰學宗孔孟政熾龔黃千秋俎豆民不能忘

王 青 學 像




東十夫圖公卒年五十五歲
贊曰潛菴先生下無爵諡
公姓湯諱斌字孔伯晚號荆峴又號潛菴河南睢州人順治九年進士授職詞垣旋擢潼關道以終養告歸孫奇逢講學蘇門賃驢往受業門下力窮性理屹然推中原巨儒復以荐起制科授翰林院侍講超擢內閣學士巡撫江蘇時吳中競習奢侈喜鬪毆多淫祠事五通神尤嚴公至悉禁毀之吳俗自是大變又奏豁積年民欠議減蘇松賦額擢禮部尚書時部民送者十萬餘人公建民不能忘坊頌德政工部尚書康熙二十六年卒于位年六十一入名宦祠乾隆初賜諡文正道光二年奉旨從祀聖廟





吳郡名賢圖傳贊 卷十七
 公姓王諱撰字異公號隨庵時敏第三子國學生性温厚工詩善八
 分書及丹青卒年八十七名德文采悉肖其文吳門張永輝蟾繪畫
 東十老圖卷公年僅五十亦與焉
 贊曰詠詩讀畫了無宦情鶴尹虹友與之齊名

NATIONAL CENTRAL LIBRARY, TAIWAN, R.O.C.



公姓宋諱德宜字右之號蓼天崇明籍長洲人家黃由坊橋東順治十二年進士選庶吉士授編修歷官吏部尚書文華殿大學士加太子太傅公風度端凝學問淵博為都御史疏請弛海禁定鹽法次第舉行山東大帥柯永葵縱兵致譟公疏劾之即命逮訊大軍進黔秦蜀之餉彼此推諉公建言併川陝總督為一人則痛癢相關可以隨地調發

詔從之公口訥平時詞每不達至國家大事自為一議反覆開導多所報可卒年六十二謚文恪予祭葬墓在婁門外沙河河北祠在虎邱二山門


贊曰學問邃密風度端凝國之柱石不伐不矜

汪

文

清

像



公姓汪諱琬字茗文長洲人家閭門下塘陸宅巷有茗華書屋順治十二年進士授戶部主事歷陞刑部郎中以奏銷案降北城兵馬司復為戶部主事後以病假歸結廬堯峰山閉戶著書者九年以博學宏詞


召試授編修與修明史在史館六十日撰史藁百七十篇即移疾歸十年而卒年六十七私謚文清公為文根柢六經浸淫史漢取法唐宋元明諸大家立言命意皆有所本自言吾文從廬陵出所著鈍翁類藁百八十卷自刪為堯峰文抄五十卷行世墓在下堯峰山祠在虎邱後廢改祀墓所贊曰名重天下寄跡堯峰鴻文有範士林所宗

墓

中

名

像



公姓慕諱天顏字鶴鳴陝西靜寧人順治十二年進士康熙九年由福建副使擢江蘇布政使時吳中水旱相仍公議請蠲貸緩徵疏濬吳淞劉河寓賑於工丁內艱

特旨起復尋入覲凡七上疏曰減浮糧除荒坍治淮黃寬涸田調守令均田役給囚糧居七年就擢江蘇巡撫晉階太子少師兵部尚書以通賦無徵再請酌蠲


詔從之復條上免坍荒停捐例更則例等八疏十八年旱蝗賑恤甚至開濬白茆孟河建牯蓄洩為東南之利二十一年坐他事降調去贊曰蠲糧濬河嘉謨入告利溥東南民歌熙俾

錢

黃

廉

像




公姓錢諱陸燦字湘靈常熟人高才嗜古順治十四年鄉舉第二科
場弊發覆試者再名皆前列未幾以糧案誣誤教授毘陵間詩歌骨
力雄厚一掃浮靡古文不名一家磊落自喜晚年借徐乾學王日藻
秦松齡周金然尤侗黃與堅等為青年會公無位而齒最長名最高
諸公皆兄事之手修邑志有調運齋集若干卷年八十七卒葬河陽
山
贊曰有才遇蹇無位名高毘陵設教培養俊髦

陸

燦

字

湘靈



公姓孫諱暘字赤厓常熟人少游文社名與兄殿撰承恩埒順治十
四年舉順天鄉試科場事發為人牽連戍尙陽堡

聖祖東巡獻頌萬餘言

召至幄前賦東巡詩試以書法

上嘆惜其才大學士宋德宜疏薦不果用久之還里所著有蔗庵集


贊曰扶桑有弟名與兄儕萬言獻頌金石同諧

評

有

身

像




公姓許諱虬字竹隱長洲人居甫里弱冠好讀書即交當世名士順治十五年進士觀政後授部郎以廉幹稱出為紹興守會稽故名郡山水清嘉而吏多譎詐公至懲不法者訟牒不敢上下其手公府一清登臨謙賞賓從襍還名篇麗句得之鏡湖禹廟間晚與汪琬尤侗輩相善著述見稱文苑卒年六十五

贊曰出為循吏處為醇儒文名海內蔣陸齊驅

國家圖書館 NATIONAL CENTRAL LIBRARY, TAIWAN

許 甫 像



公姓許諱東字甫草號改亭吳江盛溪人幼奇慧卽能詩歌輒驚其
 長老操筆千言立就嘗著籌南五論上閣部史可法可法奇之順治
 十四年舉于鄉三試春官不第旋以辛丑詿誤折挫坎壞公意氣溢
 如有禰衡之風遊中州拜盧梅墓過梁園慨然弔古爲之流涕其失
 路之怨幽憤之思時不可掩竟以是卒年五十二有改亭集
 贊曰籌南五論見重史公詩文餘技遇窮益工

吳

謹

樵

像

